

2020

DK memoria

LOIOLA
Kultur Etxea





Negua gozatuz erakusketa.



Los bailes de Txomin Enea.



Ez, eskerrik asko.

Gladysen leihoa dokumentala.



Negua gozatuz erakusketa.

2 020a urte etena izan zen. Kronologikoki deskribatuko dugu, Loiola Kultur Etxearen itxiera eta berrirekitzea markatu zituzten erritmoei jarraituz.

Kultur Etxeak ondo ekin zion urteari. Hona hemen aipagarri batzuk: **Poltsiko Antzerkiko Jaialdiaren** lau ikuskizunak, **Inauterietan** eta **martxoaren 8an** egin ziren jarduerak, **Emakumearen Nazioarteko Eguna** eta zenbait lankidetzak, aurrerago zehaztuko ditugunak. Ohiko beste programazio batzuei ere eutsi zitzaion; hauei, besteak beste: erakusketak (**Joaquín García Lizeagaren Loiola, Urumea eta inguruetako oroigarriak**, **Iker García Barrenetxearen Ukitze-begiradak / Miradas tangentes** eta **Negua gozatuz**) eta dokumentalen proiektioak (**Ez, eskerrik asko?** eta beste batzuk, oso harrera ona izan arren aurrez aurreko jarraipenik izan ez zutenak, hala nola **Liburu Baby Kluba**).

Ondoren, hilabete zailak etorri ziren, martxoaren erdialdetik hasita. Kultur etxea itxi egin zen, ikastaro eta jarduerak bertan behera geratu ziren, baita erakusketak, zikloak eta abar ere. Jarduna ez zen bere onera etorri harik eta kultur etxea berriro ireki arte, ekainean.

Bertan behera geratutako eta atzeratutako jardueren artean, esan behar da batzuk errepikaezinak eta ordezkaezinak zirela. Esate baterako, **Los bailes de Txomin Enea** antzezlan amateurraren estreinaldia, Loiola auzoko emakume batzuek interpretatua eta bertan behera geratu zena betiko.

Bestalde, esan behar da kultur etxearen erronka handietako bat ikastaroak izan zirela. Batzuk egin ahal izan ziren, jarraipena eman zitzaion formatua berregokitu eta online eskainita. Beste batzuk, ordea, bertan behera geratu ziren, eta kuotak itzuli behar izan ziren.

Kultur etxea ekainaren leian ireki zenean, berriro jarri zen martxan **liburutegi zerbitzua**, bai **kultur etxean** bertan eta bai **Amundarain Mediatekan**. Hartarako, protokolo guztiak onartu ziren: manparak, seinaleak, edukiera, eta abar. Handik aste batzuetara, hilaren azken aldera, kultur etxea ia jardun osoan ari zen, aurrekontuak doitu eta hartarako behar zen ekipamendua eguneratuta.

Uztaila iritsi zenean, auzoko jaiak ospatu ohi diren garaia alegia, ospakizunak bertan behera utzi behar izan ziren nahitaez. Kale antzerkia, lankidetzak eta **Nazioarteko Folklore Jaialdia** zeuden programatuta, besteak beste, baina ezin izan zen ezer egin. Hala ere, mini-proposamen bat zertu genuen ordainetan: *streaming* bidez, kultur etxeko ekitaldi aretotik, **Miren Amuriza** eta **Anjel Mari Peñagarikano** bertsolarien saioa eskaini zen, eta **Loiola Got Talent** showa.



Ispirit.

Txomin Enea eta Martuteneko jaien programazioari dagokionez, aldiz, ezin izan zer ezer egin. Erabatekoa izan zen deuseztatzea. Irailean, **Mikologia eta Gastronomia Jardunaldiak** ere ez ziren egin.

Udazken-neguetan ekitaldi gehiago geratu ziren bertan behera: **Abesbatzen Astea** eta **Vintage Musikaldia**. Eta **Literaktum Jaialdia** atzeratu egin zen. **San Martin Topaketak zikloa, Euskaraldia** eta **Gabonak Zuretzat**, aldiz, egin ahal izan ziren, baita beste jarduera nabarmen batzuk ere, hala nola **Ispirit-en gospel** kontzertua, Loiolako parrokian.

Ukitze-begiradak.



Loiola, Txomin Enea eta Martutene auzoetako elkarte eta erakundeekiko ohiko lankidetzari dagokionez, nabarmendu beharra dago auzoan eta kultur etxean izan ziren jarduerari eskainitako aholkularitza lana eta bultzada, ekoizpen lana bera baino gehiago. Hona hemen adibide batzuk: EITBko **Herri txiki, infernu handi** programak Loiolari eskaini zion saioarekiko lankidetzari; **Parkea bizirik** erakusketa Egiako tunelean, **Kabikutxen** 30 urteei buruz; **Ainara Azpiazu Axi** artistaren murala, Martutenen, Euskaraldia zela eta; oroimenari buruzko proiektua eta Txomin Eneako artxibo dokumentala **Impact Hubentzat (Tabakalera)**; **Sutan Bang** kolektiboak eta **Galtzagorri Elkarteak** Kultur Etxetik *streaming* bidez eskainitako ikus-entzunezko materiala; eta azkenik, **Kantujiraren** entsegu saioak *streaming* bidez eman izana. Sinergia horiek guztiek esanahi berezia dute pandemia garaiotan.

Egin ziren erakusketen artean, **Martuteneko Kartzelako tailerretan egindako lanen**

erakusketa; Matizen bikoitza, Ate itxia + Gazte ahaztuak; Eneko Etxebestereen Ezpainak; eta **pintura klasikoaren ilustrazioak (fantastikoenak eta aingeruenak)**.

Bestalde, berriz ere bisita gidatuak egin ziren **Loiola Apaineko** muraletara, Loiolaren 2019ko programa izarra.

Beraz, pandemiak markaturiko urtea izan zen 2020a.



Jon Maia.



Jarduerak

	Kopurua	Erabiltzaileak
GUZTIRA	82	9.204
Antzerki emanaldiak	10	598
Dantza emanaldiak	0	0
Musika kontzertuak	10	1.610
Zine emanaldiak	3	19
Hitzaldiak eta mahai inguruak	0	0
Erakusketak	15	5.986
Bilerak eta elkarten ekitaldiak	10	511
Liburutegiko jarduerak	24	383
Plus 55	1	20
Gaztelekua	0	0
Haurtxokoa	0	0
Bestelakoak	9	77

Zerbitzuak

	Bisitaldiak
GUZTIRA	13.380
Liburutegia	0
Ikasgela	0
Gaztelekua	0
Haurtxokoa	0
Kzgunea (Nabigazioak)	0
Altzako bilduma	0
Altzako bilduma web	0
DK Irratia web	0
<i>Ispilu Beltza</i> magazine-podcast	0
Bideo tailerra	0
Musikagela	0
Musika Eskola	0
Plus 55	0



Prestakuntza

	Ikastaro eskaintza	Osatutako ikastaroak	Erabiltzaileak Emakumeak Gizonak	
GUZTIRA	49	18	289	
			240	49
2019-2020 IKASTAROAK	30	14	221	
Ikasturte osokoak (2019ko urria - 2020ko maiatza)				
Egile ikastaroak				
Euskaraz	0	0	0	0
Gaztelaniaz	0	0	0	0
Ikastaro orokorrak				
Euskaraz	15	3	43	3
Gaztelaniaz	14	11	142	33
Bigarren lauhilabetekoak (2020ko otsailean hasita)				
Egile ikastaroak				
Euskaraz	0	0	0	0
Gaztelaniaz	0	0	0	0
Ikastaro orokorrak				
Euskaraz	1	0	0	0
Gaztelaniaz	0	0	0	0
2020-2021 IKASTAROAK	13	4	68	
Ikasturte osokoak (2020ko urria - abendua)				
Egile ikastaroak				
Euskaraz	0	0	0	0
Gaztelaniaz	0	0	0	0
Ikastaro orokorrak				
Euskaraz	8	2	15	3
Gaztelaniaz	5	2	40	10
IKASTARO PUNTUALAK	6	0	0	
Tailer, mintegi eta masterclassak				
Euskaraz	3	0	0	0
Gaztelaniaz	3	0	0	0
KZgunea IKASTAROAK	0	0	0	0
			0	0
BESTE ERAKUNDEAK KZgunean	0	0	0	0
			0	0

KULTUR ETXERA EGINDAKO BISITAK (GUZTIRA): 18.930